

烈祖成績

四

文學		
號冊	冊印	號冊
一五	①	
學校	縣中	滋賀

号

Z10.4-5  
46  
Vol 4



卷之四

列祖成績

卷之四

至十年

天正四年

招集甲斐信濃上野之兵欲侵遠州上杉謙

信治兵沼田欲畧西上野勝賴聞之不得南

出先是謙信與神祖通好二月七日謙信

遺書酒井忠次日勝賴發信濃上野之兵援

二股城吾欲率之出屯沼田須今月十六日

縱火西上野自濱松出兵不失其機則必有

...

...

...

...



天正四年

至十年

天正四年

招集甲斐信濃上野之兵欲侵遠州上杉謙

信治兵沼田欲畧西上野勝賴聞之不得南

出先是謙信與神祖通好二月七日謙信

遺書酒井忠次日勝賴發信濃上野之兵援

二股城吾欲率之出屯沼田須今月十六日

縱火西上野自濱松出兵不失其機則必有

...

...

...

...

信長徙居江州安土  
城信忠居岐阜

利矣。神祖築城於橫須賀使大須賀康高

據之。算正重助守以備高天神城兵。年譜創業記家

忠日記松是月織田信長徙自岐阜居江州

安土城使信忠居岐阜。織田本信長三月

神祖欲納今川氏真於駿河賜書松平甚太

即家忠松平康親在牧野城掌駿州政合權

護氏真。家忠日記二月六日酒井雅樂助正

親卒疾革。神祖臨其第手賜藥問所欲正

親感泣招二子與四郎與七郎曰。與四郎重忠後稱河

內守與七郎忠臣無他慮願二子賴君寵

靈而成立履忠伏羲以不墜家聲也。神祖

諾使平巖親吉監醫藥數遣近臣問疾至是

卒。家忠日記松榮七月神祖出兵於乾攻

標山塞拔之使安部元真成之。諸士進攻勝

阪城天野景貫據潮見阪之險拒之我軍不

利大原大介大濱平左衛門等戰死大久保

忠世忠佐水野忠重石川數正鳥居元忠平

巖親吉柳原康政本多廣孝松平忠次等苦

戰却敵神祖使大久保忠世登石嶺攻之

忠世放大銃景貫不能禦退保鹿鼻城地勢

窄狹神祖慮損士卒收兵還濱松松榮紀事以潮

見阪以下之為七年九月氏政勝賴對陣

黃瀬川時事今從年譜創業記三河物語家

忠日記是月武田勝賴出軍遠州欲納糧於

德川記高天神城神祖聞之出屯橫須賀使松平

康親伏兵於瀧阪鹽買阪之險以邀之勝賴

懼不能由鹽買阪自勝阪沿海至高天神城

唯真田安房守昌幸彈正幸隆第三子初稱武藤喜兵衛長篠之戰

二兄信綱昌輝皆歿復舊姓嗣信綱家將兵一千直過鹽買阪

世子自岡寄馳至橫須賀以待敵至勝賴不

戰而退我軍移陣于芝原山縣昌景故部曲

小管五郎兵衛與小笠原氏儀出逼橫須賀

算正重率步兵出城擊破之甲陽軍鑑德川歷代松榮紀事

神祖慮勝賴襲懸川使大久保忠世本多

廣孝備之勝賴去芝原可三里欲待我軍下

山決戰神祖欲戰內藤正成諫止之神

祖引軍而還勝賴入高天神城家忠日記以

橫須賀之戰

勝賴對陣係二年十月今從年譜三河物語  
甲陽軍鑑德川記松榮紀事但紀事勝賴綱  
程以下皆為二事蓋中間脫日也年譜是  
甲陽軍鑑德川記無月今從德川歷代

秋世子擢參州大濱鄉長長田平右衛門重  
元子傳八郎直勝為近習家忠日記○傳八郎後曾水井氏稱

右近大夫為下十月九日神祖享今川氏

總古河城主按創業記信長譜三年三月氏

真於濱松城真出濱松入京師謁織田信長

上千鳥香爐宗祇香爐信長聞氏真善蹴鞠

招廷臣與氏真蹴鞠蓋其後又還濱松也

先是勝賴使駿州舊將岡部丹波守信州舊

將相木市兵衛上野將士數十人及孕石主

水火河內傳左衛門等一千余人代高天神

城兵而戍之以江馬右馬允橫田甚五郎重

量監之重量十郎兵衛康量子勝賴滅後仕

着十一月十一日神祖爇濱松至懸川十

二日移軍于橫須賀十五日還濱松松榮二

十一日平信長叙從三位為內大臣公卿補

日記信長譜松榮紀事諸書皆書織田任家忠

今從補任書其姓信雄叙任亦此例也二十  
四日甲軍亦至田中城二十六日入高天神  
城二十七日我軍陣于見付驛是日甲軍去

信長為內大臣

國安退入駿州我軍亦還松榮是年武田勝

賴出屯遠州金谷峯城神祖陣于小夜中

山其夜勝賴引兵家忠

五年丁丑四月二十三日神祖賞向阪光

行往年數自高天神城使于濱松之功賜書

給采邑雜錄向阪牛七月二十日松平與一

郎忠正卒無子神祖以忠正弟與二郎忠

吉為嗣以寡嫂妻之家忠日記櫻井松平系

母妹也忠吉卒又圖○忠正妻神祖異

保科彈正忠正直九月十一日武田勝賴

使三浦右馬助按今川氏真部將有三浦左

乎不攻標山寨守將安部元真與其子信勝

悉力拒守右馬助敗走神祖賜書元真褒

之松榮紀事是秋神祖出征遠州山梨穴

山梅雪拒之我軍擊破之家忠日記十月二

十日武田勝賴侵遠州屯大井河上神祖

陣馬伏塚世子至濱松勝賴按視小山高天

神等城不戰而退二十一日世子聞勝賴引

去還岡寄二十三日神祖還濱松年譜創

原本梅雪以梅堂

計身處凡六百

信長轉在大臣信忠  
叙中將

忠日記 是月命修築濱松城二十四日大  
榮紀事 家忠日記 是月平信長進叙從二位  
享將士 松榮紀事 是月平信長進叙從二位  
轉右大臣信忠叙從三位為右近衛權中將  
公卿補任家忠日記 十一月植村出羽守家  
信長譜松榮紀事 係十月十二月十日信長獵  
政卒 家忠日記 係十月十二月十日信長獵  
參州吉良 神祖使參州將士享之 家忠日記  
二月三日松榮紀事不是日 神祖叙從四  
日今從織田本信長記 神祖叙從四  
位下二十九日為右近衛權少將 年譜創業  
任家忠日記 神祖叙從四  
松榮紀事 神祖叙從四

六年戊寅正月十二日 神祖至岡寄城 家  
日 是月平信長叙正二位 公卿補任家忠日記  
記 是月平信長叙正二位 公卿補任家忠日記  
事 二月三日遠江參河大雪積四尺餘十八  
日修葺濱松城三月七日 神祖欲攻田中  
城率兵陣懸川八日移營大井河上九日圍  
田中城井伊直政年十八每戰必先衆人稱  
其勇敢前夜雞鳴酒井與九郎內藤義教 甚  
左衛門義教記 熊谷小一郎小栗忠政潛緣  
見永祿二年 熊谷小一郎小栗忠政潛緣  
壘壁欲以先登城兵豫出而伏郭外北四士

至伏發邀擊四士健闘却之神祖聞之怒  
責其犯軍令黜之家忠日記松榮紀事二書  
後救四士之罪松平甚太郎家忠榊原康政奉多忠  
勝松平主殿助家忠等爭先攻城主殿助家  
忠進至濠上測其淺深還報曰水淺無防兵  
可急攻之先登拔柵攻破外郭將入子城守  
將一條信龍之兵陣列城門橋上以待之久  
世廬宣中根善二郎向阪宗十郎揮槍接戰  
松平主殿助家忠之兵佐野次助行家彦十

上杉謙信卒

即健闘獲級戶田忠次之兵黑田二郎右衛  
門安形半兵衛岬上助三郎福井源藏等力  
戰城兵決志必死拒之我兵不勝而退九日  
神祖入牧野城十三日觀兵小山年譜創  
忠日記松是日上杉謙信卒年四十九謙信  
榮紀事無子養北條氏康子三郎景虎為子景虎氏  
子又養甥喜平次景勝為子景勝謙信妹夫  
景子養於謙信冒上杉氏領越後佐渡至後  
三位權中納言後從封奧州會津世梅會津  
中納故二子爭國日尋干戈忠日記甲陽軍

鑑十八日神祖還濱松年譜家忠日記四月

十七日世子來濱松神祖翊日還岡崎

年譜家忠日記八月七日松平甚太郎家忠代西鄉

家員助守牧野城家忠日記八日橫須賀守將大

須賀康高與甲軍戰于高天神城下國安河

敗之多獲首級阪部廣勝有戰功家忠日記

二十一日神祖與世子帥兵至小山二十

二日涉大井河使前軍步卒暴田中塚原永塚城

兵出拒之平巖親吉之兵接戰後軍踵至敵

兵退入城我軍進至遠目持舟三河物語遠目作當日諸

書持舟或作用宗望石川數正為殿持舟城

宗皆語音轉訛也

兵出而尾之數正還戰走之家忠日記松平

康定酒井忠利大久保忠直太田吉政安藤

治右衛門定次太郎左衛門家重第四子木

次按正次定次子工助基能弟松榮紀事作正

襲稱次右衛門誤為正次今訂之石川八左

衛門等有斬獲之功我軍還遇田中城下遇神祖謀曰吾直引兵而還則彼必躡之吾佯為攻城則彼不暇守禦安能出戰乎乃逼城

而過敵果嚴守備不敢出九月四日神祖

入牧野城家忠日記六日還濱松城參州諸

將在牧野城修築堞壁家忠日記十月十九日武

田勝賴出屯駿州二十七日世子聞之來濱

松晦勝賴渡大井河入遠州夜半高天神城

兵一人欲犯陣逸去渥美勝吉擊殺之頭繫

勝賴密書勝吉得之獻神祖家忠日記十一月

二日勝賴移營于小山相良神祖與世子

將兵八千餘騎屯馬伏塚三日移陣綱社山

諸卒陣于山下勝賴欲攻橫須賀城憚神

祖梗其道路不敢進年譜創業記家忠敵將

小笠原氏儀小管五郎兵衛取濟路至城下

算正重出城拒之勝賴分軍為十七隊與

神祖隔江而陣泥濘不可涉相對數日世子

夜潛渡江而覘勝賴之營歸白神祖欲擊

之神祖不聽教以據險之敵不可輕擊勝

賴欲戰其臣固諫故不戰而退入高天神城

渥美勝吉柘植又十郎等尾擊獲首級神

祖褒勝吉之功賜<sup>草</sup>版二十五日勝賴引

兵還甲州晦日神祖還濱松世子還岡崎家

日記松

七年己卯正月二十日神祖獵于吉良二

十七日還濱松三月二十五日武田勝賴侵

遠州屯國安神祖聞之與世子馳至馬伏

塚參州諸將軍見付府二十七日進至袋井

驛是日勝賴去國安二十九日渡大井河而

退卒神祖還濱松<sup>年譜創業記家忠日記按</sup>

松榮紀事二月二日連書

此事以為勝賴復出重四月七日神祖第

復謔矣今從上三書台德公生于濱松城

三子長麻呂征夷大將軍太政生于濱松城

以土井甚三郎利勝為近侍利勝長而稱大

炊頭為輔佐元老<sup>年譜創業記家忠日記松</sup>

雜錄利勝水野信元子也信元遭害年僅二

歲其母抱之遁去得免再嫁土井小左衛門

利勝從其母在小左初世子聚織田信長女

衛門家因冒土井氏初世子聚織田信長女

生二女前生閑口氏悍而妬與神祖琴瑟

不諧離居在岡寄稱築山殿<sup>松榮紀事曰</sup>

伊勢越前世子迎之居岡寄然華性行不淑

山之稱世所知今從德川歷代

欵使世子離間夫人誘武田勝賴奪岡寄遠

至夫妻反目松榮紀事曰欲使殺信長而立

世子宣將繼其家哉恐世子雄勇而暴好躡

無此理今從德川歷代世子雄勇而暴好躡

歌舉國成風少不如意輒手及之民不堪今

創業記德往年退軍伊良寄世子為殿勝賴

不能出蹊世子自矜其勇每事多不法神

祖患之創業至是夫人列世子罪十二讒於

信長以酒井忠次為使往收阜訴之信長召

忠次親詰問之忠次證成之十罪皆實信長

不及問其二使忠次謂神祖曰信康凶悖

非保國之器不殺必有後禍忠次奉命而歸

及過岡寄不謁世子直赴濱松世子知其不

免恐懼待命忠次告不神祖以信長之言

神祖憮然曰事既知此宜信長之欲殺之也

八月三日神祖至岡寄城放世子於大濱

四日世子至岡寄披陳無罪神祖不聽其

夜世子還大濱時平巖親吉為世子傳白

神祖曰遽殺世子後必悔之臣為傳無狀請

神祖曰遽殺世子後必悔之臣為傳無狀請

斬臣首送于信長使謂世子實無罪皆親吉之所為則信長震威而冀世子獲免也言甚切至神祖嘉其忠誠曰殺汝而事可濟則可不然俛喪良臣非吾志也五日神祖如西尾城七日又至岡寄九日遷世子於遠州堀江城又遷二股城不許出十二日神祖還濱松二十九日使野中重政殺園口氏於小藪邑年譜創業記三河物語家忠日記德川歷代松榮紀事○松榮紀事曰使村越茂助殺之家忠日記曰岡本平右衛門雜錄築山殿事記曰岡本八郎右衛門蓋茂

助直吉奉命誘出築山殿重政卒平右衛門等殺之於中路也野中氏家譜事記的確今從先是上杉景虎與上杉景勝爭戰不較景虎求救于北條氏政武田勝賴之妻氏政之妹而景虎之姊也故氏政使勝賴援之勝賴率兵二萬赴越後景勝大懼賂勝賴以東上野地及黃金一萬兩請屬麾下賂嬖臣長阪鈞閑跡部勝資各金二千兩勝賴受賂而還景勝遂滅景虎取越後由是北條氏甚怨勝賴與之絕甲州士庶皆譏勝賴之不義而莫

識原本亦作誠

不惡鈞閑勝資之貪恠也

甲陽軍鑑 松榮紀事

九月五

日氏政以朝比奈泰勝為使乞和神祖曰

卿能言和吾當通好信長東西來擊以滅勝

賴神祖然之遣使告信長對曰卿

先與氏政平然後圖勝賴十三日三家盟成

約日勝賴出豆州則入家卿入駿州勝賴

出遠州則氏政屯甲信二州間以率之

年譜 創業

記家忠日記 松榮紀事

神祖既殺關口氏信長怒猶

不解夫人忿然如舊十五日神祖不得已

世子賜自盡

遣大久保忠世天方山城守道與服部正總

於二股城賜自盡於世子時年二十一

年譜 創業

記三河物語家忠日記 德川歷代松榮紀事

初神祖屢遷徙世

子蓋有微意而諸將不悟時人皆咎元老重

臣焉

德川歷代○本書曰酒井忠次大久保

次一人而無忠世名故不取又曰每遷徙世

子使忠世監護遂命忠世殺之忠世誘出世

此又諸書所未載其言出於愛憎不足信今

從上十七日橫須賀守將大須賀康高伏兵

高天神城下三峯山欲誘出城兵擊之城兵

果出伏發擊破之家忠日記德川歷代康高部兵久世

廣宣射敵多斃之一矢洞貫敵兵中松樹而

止後城兵送其矢諸士傳畧阪部廣勝斬城兵中

根郷左衛門其餘康高之兵多獲首級敵敗

走入城松榮紀事以此戰係四年二月錯武

田勝頼率兵一萬二千出駿州築沼津城使

高阪虎綱子源五郎守之松榮紀事按源五

長條據甲陽軍鎡以其弟北條氏政聞勝頼

襲稱源五郎統領部兵也

出兵將三萬余騎軍于豆州三島勝頼軍于

黃瀬川是日神祖彘濱松至懸川十八日

入駿州酒井忠次諫曰深入敵地後險隘而

前就敵非良策也不如按兵瀬戸駿川西以

待東軍又之行祖曰吾與氏政有約不可

中變且鷓蚌之勢須乘其弊遂進軍左田中

城沿海而東陣于二山忠次駐軍瀬戸十九

日使松平甚太郎家忠牧野康成攻持舟城

拔之縱火焚城松平康親進至由井倉澤松

紀勝頼聞我軍至由井欲決戰遣使謂氏政

曰欲戰即戰吾當渡黃瀨川以決雌雄吾聞  
濱松之兵出在由井倉澤今款還軍與彼決  
戰卿款後固吾所欲也氏政渝約對曰吾  
為按行部屬出兵非求戰者卿宜與濱松之  
兵戰吾不與松榮紀事曰氏政不報今勝賴從甲陽軍鑑年譜附尾  
苗左馬助信豐高阪源五郎於沼津城以備  
氏政急引兵陣于河成時富士川暴漲不得  
渡神祖聞至勝賴欲逆擊之松榮紀事載原本作戰一說曰島孫  
石衛門甥為僧居駿府石川數正大須賀康  
聞勝賴至奔赴告之

高諫曰田中城在我後輕戰敵地危道也

神祖然之還至藤枝暴稻而去酒井忠次出

瀨戶為殿創業記考異甲陽軍鑑係八年今從年譜創業記正文織田本信長

記家忠日記○松榮紀事二神祖奔濱松是以下在四年錯簡也今從上四書正之是

夕勝賴至駿府聞我軍既去憤恚曰長篠之

役不可戰而戰竟取敗是役也可以戰而不

得戰此命之窮也可奈何甲陽軍鑑年譜既附尾松榮紀事

而氏政引兵還小田原二十五日勝賴還甲

州神祖退至伊良寄晦入牧野城十月朔

凱旋九日享令川氏真於濱松城年譜創業

記松榮十一月四日松平主殿助家忠設伏紀事

伊良寄待甲軍至舉燧為應鳥居元忠步卒

濫縱火迫地愆期神祖怒窮之捕步卒斬

之七日家忠又伏兵瀧阪急擊甲軍獲首級

奪輜重神祖褒之日家忠十一日神祖奔

濱松至懸川十二日軍于馬伏塚十四日還

濱松家忠日記十四日陣濱松賀十二日

四日甲軍出田中屯國安二十七日家忠陣

于見付之驛備之是日甲軍去國安入駿州

家忠引兵還年譜創業記家忠

八年庚辰正月五日神祖叙從四位上年

創業記公卿補任家忠日記松榮紀事家

忠日記曰正月三日武田勝賴率甲斐信濃

之兵接高天神城織田信忠將兵登清洲按

此時神祖未嘗乞接信長信忠不應出兵

且諸書所不二十四日放鷹參州西尾二十

載故不取松榮日記三月十六

日發濱松向高天神是日高天神城兵出屯

天王馬場水瀨賀康高出擊之康高部兵久

世廣宣阪部廣勝氏家金二郎近藤武助管  
沼兵藏鷲山傳八郎揮槍健鬪本多忠勝之  
兵內山忠三郎日置小左衛門等爭進力戰  
攻破城柵十八日築大阪山砦按下文有大塚樞湊賀之  
成兵大阪疑大塚之訛今從二十五日築中  
家忠日記松榮紀事不輒改  
村砦二十九日築砦田中逼高天神城年譜田中  
下註駿州松榮紀事征遠州地名按北時駿  
州田中城屬勝賴不應築砦蓋別一地名疑  
紀事為閏月九日神祖還濱松年譜創業  
得寧記松榮先是神祖雖拔持舟城而其地便  
紀事

便原本作使

於敵而不便於我故自其焚燒不置戍兵至  
是武田勝賴修築壘壁與田中江尻二城聲  
援相接使朝比奈駿河守之松榮紀事五月朔  
神祖出軍屯懸川三日攻田中城四日至遠  
目陣于八幡山五日使步卒梶花澤之禾苗  
取田中之麥收兵還濱松石川數正為殿持  
舟城兵下遠目阪出蹶之數正回騎接戰酒  
井重忠松平康親牧野原成平巖親吉內藤  
家長等馳還進競松平真來橫擊敵兵破之

敵潰走尾寄半平定正斬向井伊賀須田文

平斬城兵櫻井兵庫天野小麥右衛門重次

按天野麥右衛門戰斬朝比奈市兵衛松平死三方原蓋其子也

康親之兵岡田竹右衛門元次斬城將三浦

兵部斬兵部伊賀年譜松榮紀事為七年九月

月振持舟城時事德川記以此戰係九年五月今從家忠日記尾

崎半平名據高梨系圖城中精兵八十餘

人戰歿松榮紀事正文作三十二人守將朝

比奈駿河關門堅守我軍不復攻之引兵入

牧野城年譜創業記家忠先是一色左京家

日記松榮紀事書一色其披謔匿康親家適無左京之稱今據年譜

在陣中岡田元次授三浦兵部首於左京使

上級以贖罪神祖廣知其實嘉元次讓功

賜鎧褱以宥之六月十日神祖營於橫濱

賀諸軍屯鎌田十一日按視高天神城築砦

鹿鼻備之十七日縱火高天神外郭使步卒

獲城外稻還濱松七月二十日神祖又將

兵至懸川家忠日記渡大井川營于田中八

幡山使諸將護下杜獲田中稻岡田元次白

神祖曰河水每雨則夜暴漲武田勝賴好

乘人之不意收獲粗畢須速渡河不可濡滯

神祖然之即渡河而還其夜果雨河水大

溢勝賴適在駿州按行管內諸城聞我軍出

急馳至田中阻水不得渡而止神祖復元

次之善察兵機松榮紀事二十七日神祖戰兵

還濱松年譜創業記家忠八月北條氏政出

屯黃瀨川與武田勝賴相對對原本作持十六日氏政以

小笠原某為使來濱松告神祖按氏政勝

瀨川在去年九月然年譜家忠日記松榮紀

事皆曰此年又對陣今並存以傳疑甲陽軍

鑑又係是二十七日松平二郎右衛門重吉

卒于參州野見村年八十三九月二十三日

賜參州刈屋城於水野忠重遠州馬伏塚城

及鎌田鄉高力清長家忠日記是月神祖

第四子福松麻呂生於濱松城源流綜貫福

守忠吉也七月十二日神祖祭濱松赴高

天神十九日參州諸將陣于大阪橫須賀二

十二日諸軍進逼高天神城築砦橫須賀橘

戰忌載字之記

谷橫須賀創業記松榮紀使諸軍與鹿真中

村小笠岩嚴守之四繞圍城鑿隍樹柵一

置一兵戍之使城兵不得出關家忠日記

神祖召成瀨正一曰今留汝于此須巡城外

每一晝夜一次戍兵有懈者罰之正一請副

一人神祖曰汝擇其人對曰日下部兵右

衛門可也神祖即命二人至明年春一百

二十余日正一定好晝夜巡行不敢一日懈

弛成瀨二十八日神祖移營於馬伏塚十

一月十二日遣松平主殿助家忠於安土告

逼高天神城于織田信長十二月二十日信

長以猪子兵助福富平左衛門長谷川藤五

郎秀一幼名竹麻呂後仕秀吉西尾吉次為

使來勞神祖二十一日四使從神祖巡

行合圍二十二日神祖還濱松享四使年

創業記家忠日記松榮紀事

九年辛巳三月高天神城潰先是我兵四面

合圍如釜魚籠鳥不可脫去城兵連署使向

阪甚太夫告急武田勝賴曰濱松兵勢日盛  
圍城數重欲戰不得戰糧盡力竭命在旦夕  
願急救之獨橫田重量以為不可別以書白  
勝賴曰此城不可救君侯能出兵攘敵使得  
保城則救之可也今一家小卿在橫須賀使  
諸將嚴守六砦此勅敵也雖戰不可勝若君  
侯來援彼邀之中路乞援信長前後來擊則  
危道也彼又分信長之兵由驛路直至駿府  
扼我歸路松榮記州金谷渡大井河歷島田藤枝至

原本邀作遊

駿府為本道高北條氏政出駿州則前與濱  
天神在其南松之兵相對後為信長氏政所邀進退失據  
取敗必矣此臣所謂不可救者也受命守城  
死固其分也唯為君侯圖萬全耳若必欲救  
之則賜臣陰符刻期出師甲州旌旗見於鹽  
買阪則城兵突圍而出庶幾僥倖萬一雖然  
出師救城而城為敵有徒拔其衆而歸不可  
謂武城兵潰圍必不得免此其不可救事勢  
甚明願熟計之勝賴善之召諸將會議長阪

釣閑跡部勝資曰此不可救甚五郎之言是

也勝賴以為坐在甲府終不救之人皆以我

為怯乃出兵東上野拔仙城而還仙城甲陽軍鑑作膳

城今從松城兵知援軍不至議潰圍脫去疲

頃不得遽出我軍覺之嚴守要害大久保忠

世所守林谷險隘殊甚前有六笠懸川牧野

城塞南有大塚橫湏賀之城兵忠世恃之纔

以兵六騎戍之城兵調知其寡二十二日夜

二更分為二隊岡部丹波樽田重量出自林

谷忠世使其弟平助忠教赴之忠教諸書作忠孝今從諸

士傳畧平助後與戍兵六騎合十九騎忠教

擊傷丹波使本多主水取其首忠世聞敵出

馳來敵已遁去石川康通扼足助鳥原之要

路前有龍谷山迴溪轉戍兵多寡不可得見

城兵三百余欲突出我軍嚴備擊之敵敗走

陷龍谷殘兵數百欲衝圍免去本多忠勝鳥

居元忠擊破之通鐘耶水野忠重其子藤十

郎勝成進入城中家忠日記松榮紀事勝成小名國松稱蕭十郎又更

原本城作成戍

原本取作助

之左衛門後叙從五位下任日向守大湊賀康高爭先而進久

世廣宣斬城兵依田木工左衛門諸士忠重

之兵清水次右衛門山本市作先登戰火的

場郭之敵兵決死健闘我兵猶豫松平孫六

郎康長戶田彈正子虎千代時年十六請攻

的場郭神祖許之康長急進攻之縱火城

中戶田忠次松平主殿助家忠相繼而進忠

次之兵石原孫二郎大屋喜助植田十兵衛

芳賀清助家忠之兵飯倉木工右衛門等力

戰破之板倉喜藏戰歿大久保忠世撞擊又

破之城兵殆殲城遂陷三倉忠右衛門定次

擒孕石圭水神祖戮之赦大河內某厚賜

遣之初神祖為質在駿河圭水數無禮於

神祖大河內某傾心保護故得及之神

祖豫命內藤信成管沼忠久日高天神城陷

則殘兵必走國安汝等宜備之殘兵果出國

安信成忠久邀擊殲之凡斬城兵首七百三

十級錄送安土年譜創業記三河物語織田

本信長記甲陽軍鑑家忠日

記松榮紀事。家忠日記曰信長援助部將  
佐々成政野々村三十郎錄數還安土據之  
則信長遣援軍也。然諸書所載不知其在何時故不書。城兵橫田重量  
直斫柵出奔甲州武田勝賴賞重量之忠勇  
賜佩刀重量拜而不受曰臣潰圍而出何賞  
之有時人稱之家忠日記甲陽二十四日  
神祖凱旋濱松召諸將褒獎軍功賜休暇各  
歸其城六月二十八日神祖發濱松軍見  
付驛年譜創業記家忠日記按三書是月東  
條城王松平甚太郎家忠卒櫻井松平系圖七月三

日使松平主殿助家忠築砦相良武田勝賴  
築城甲州並寄號新府家忠日記十二月十  
五日神祖放鷹馬伏塚年譜創業記十八  
日織田信長為畧甲駿二州使西尾吉次納  
糧東條是日與平九八郎美作守信昌子時  
五位下任加首服於神祖前授諱字曰家  
大膳大夫神祖  
昌賜守家乃是歲神祖以母妹嫁松平家  
清家忠日記母妹初迫原平德以公子福松麻呂  
給松平家忠之封出居東條城長而名忠吉

源流 大久保淳玄卒年八十三日家忠木曾左

綜貫 馬頭義昌義仲之裔而信州之豪族也往年

武田信玄侵掠鄰境義昌畏其疆屬麾下言

玄悅以女妻之勝賴彊暴好兵徭役頗興與

昌不堪其命就濃州人苗木久兵衛按苗木

山久兵衛友政以黨于齋藤龍興為信長公

所逐諸書以城為氏往々有其例疑即其人

通款織田信忠々々使平野勘右衛門馳至

安土告之信長曰木曾險惡之地彼若欺我

誘陷險隘則噬臍無及使其送任子立誓然

後進兵既而久兵衛送義昌及將士之質致

之收阜信長許之家忠日記 松榮紀事

十年壬午正月六日木曾義昌叛武田勝賴

義昌之臣千村左京松榮紀事作千原 以其

謀告阿部加賀勝賴大駭將發兵擊之加賀

謀曰木曾險隘不可猝攻義昌之夫人君侯

妹也臣請就夫人緩其反計伺間潛遣精兵

五騎十騎襲其不意則必有利勝賴不能從

二月二日使左馬助信豐將兵五千騎攻之

義昌遣使陳謝勝賴不聽義昌使千村豐前  
馬場半左衛門秋原十左衛門上村作左衛  
門率兵據鳥居嶺以待敵至勝賴前隊諏訪  
采女及弟源二郎督兵進鬪義昌據險拒之  
斬采女兄弟甲軍多敗歿信豐激衆競逼義  
昌懼而引去信豐追擊甚急義昌之兵縱火  
燒藪原退入南宮城據險拒之信豐引兵還  
信長與神祖約東西夾擊以取甲信使信  
忠將兵五萬向木曾口自將兵七萬入自伊

奈口金森長近領兵三千向飛騨口神祖  
將兵三萬五千入自駿州北條氏政率兵三  
萬備關東口勝賴率甲斐信濃上野三州之  
兵二萬餘騎陣于諏訪分兵戍諸城使弟仁  
科五郎信盛甲陽軍鑑作仁科薩摩守時清  
今從家忠日記甲亂記武田家  
譜松榮守高遠城日向宗英守大鳥城勝賴  
將日  
紀事向大和剝保科越前守正直  
筑前守正俊子  
初稱甚四郎後  
髮祿宗英  
更彈守飯田城馬場民部多田治部右衛門  
正忠  
撞田重量守深志城十二日信忠發坂阜入

自木曾口以瀧川一益河尻肥後守秀隆為

前鋒

肥後守即與兵衛也諸書或作肥前守說見三年

勝賴聞之使

小山田昌行渡邊金太夫小菅五郎兵衛接

高遠城道遙軒信綱安中七郎三郎小原丹

後依田能登接大鳥城小幡因幡波多野源

左衛門接飯田城又聞神祖入駿州使室

賀兵部據鞠子拒之屋代其聞甚五兵衛入

持舟城援朝比奈駿河依田信蕃三枝土佐

據田中城伊奈口東仙道第一之險要不得

輒入使下條伊豆信氏守之其族九兵衛叛

引河尻秀隆之兵入城中信氏遁太松尾守

將小笠原信嶺乞降為鄉導信忠之兵入自

伊奈口如踐魚人之地木曾義昌來謁上甲

軍首級信忠授書褒之使織田源五長益

第五子信長公弟叙從五位下剃髮号有樂齋津田孫十郎信次為

義昌援軍陣于桔梗原信忠至飯田信綱等

棄大島城遁去信忠移陣大島使毛利河內

守河尻秀隆守大島城進至飯島森勝藏長

可三左衛門可成第二子武藏守彰考館  
中臣九山可澄曰長可諸書皆誤作長一  
三左衛門家世皆以可字連名至勝團平八  
藏信長公賜諱字故以長字連上  
為前驅信州城寨或降或遁望風崩潰勝賴  
猶在諏訪議戰守之策城織部曰分兵五千  
授我々與橫田甚五郎為前驅又以五千授  
小山田八左衛門初鹿傳右衛門為後繼使  
小山田右衛門真田安房小幡下總指揮麾  
下騎兵一萬一舉決堆雄則蔑不勝矣長阪  
釣閑拒之曰彼尚乳臭其言不可用阿部加

賀曰我遣謀者覘敵信忠陣營不相統攝瀧  
川河尻深入不諳地利乘夜襲擊必得大捷  
釣閑又拒之議竟不決因循涉旬年譜創業  
記織田本信長記信長譜甲十六日勝賴之  
陽軍鑑甲亂記松榮紀事  
兵棄小山城走歸甲州年譜創業記  
神祖癸濱松向駿州十九日入牧野城二  
十日至田中二十一日我軍經遠目阪逼持  
舟城神祖至駿府二十三日使諸將攻持  
舟城二十七日持舟守將朝比奈駿河元和

可三左衛門可成第二子為武藏守影考館  
中臣丸山可澄曰長可諸書皆誤作長一  
三左衛門家世皆以可字連名至勝團平八  
藏信長公賜諱字故以長字連上  
為前驅信州城寨或降或遁望風崩潰勝賴  
猶在諏訪議戰守之策城織部曰分兵五千  
授我々與橫田甚五郎為前驅又以五千授  
小山田八左衛門初鹿傳右衛門為後繼使  
小山田右衛門真田安房小幡下總指揮麾  
下騎兵一萬一舉決雌雄則蔑不勝矣長阪  
釣閑拒之曰彼尚乳臭其言不可用阿部加

賀曰我遣謀者覘敵信忠陣營不相統攝瀧  
川河尻深入不諳地利乘夜襲擊必得大捷  
釣閑又拒之議竟不決因循涉旬年譜創業  
記織田本信長記信長譜甲十六日勝賴之  
陽軍鑑甲亂記松榮紀事  
兵棄小山城走歸甲州年譜創業記十八日  
神祖祭濱松向駿州十九日入牧野城二  
十日至田中二十一日我軍經遠目阪逼持  
舟城神祖至駿府二十三日使諸將攻持  
舟城二十七日持舟守將朝比奈駿河瓦和

出奔甲州家忠日記曰退于久野今織田信

忠進攻高遠城二十九日以僧為使齎書入

城諭仁科信盛使降信盛與得佐議之副將

小山田昌行曰此詐謀也豈效大島飯田懦

劣之徒而隱名節哉當決死一戰耳信盛笑

曰是吾志也即收僧截其耳鼻逐之信忠大

怒陣于貝沼原登高壓城以小笠原信嶺為

先導急攻之昌行血戰數合力竭入城信嶺

自殺昌行及弟大學渡邊金太夫等皆死城

遂陷斬首四百余級家忠日記甲乱記松榮

紀事○信長譜曰斬首

二千五百八十級此據見行本信長記駿州

也見行本多繆誤今從織田本信長記江尻城主

穴山梅雪武田勝賴之姊夫也雅

有威重勝賴約以女妻其子勝千代左馬頭

信豐欲為己子之婦賂長阪釣開跡部勝資

及大龍寺僧麟岳使言于勝賴曰主公之女

與勝千代五行之運相克不如嫁于典厩之  
子二郎勝賴從之遂渝其約梅雪大怨望潛  
蓄異圖神祖使長阪血槍九郎往江尻城

按長阪血槍信政見天文十七說梅雪降信

年即其人歟或其子乎未詳

長淹留七日諭以禍福梅雪從之血槍九郎

復命神祖賞其獨入敵城善得要領賜遠

州三色梅雪反計未露三月朔聞我軍向江

尻松榮紀事曰三月朔神祖至江尻按四

尻日梅雪初謁神祖不應神祖先至江

江尻奪質今從之而字恐至之訛後改正甲府妻子據

采邑下山城而叛武田勝賴駐軍諏訪及梅

雪叛人心惟據宗族勲舊悉離散左馬頭信

豐亦屢稱病不預軍議殘兵不過一千勝賴

不能保諏訪引歸新府壘壁未完不便守禦

得佐胥議湏避其來銳保據要害以圖再舉

太郎信勝勝賴子獨奮曰衆心離畔運命既窮

與其逃遁受辱曷若快死遂志勝賴默然小

山田信茂曰臣所管都苗郡內阻隘之地宜

急赴之真田昌幸曰上野吾妻地利險固苗

糧可支數年箕輪有內藤小諸有典厩足為

吾妻之藩屏請速赴焉勝賴然之長阪釣閑

曰小山田累世舊臣真田新進之士不列往

原于地城也

郡內信茂亦曰都苗本州之地吾妻他邦也

去本州而之他邦請熟計之勝賴善其言厚

醜信茂使還迎之家忠日記信長譜甲陽三

日勝賴殺木曾義昌之質納諸將之質三百

余人於新府城中燔殺之信長譜獨挈妻孥赴

郡內從兵狼狽相顧哽咽至鶴瀨待報七日

信茂不來設閔條子置戍兵以及拒勝賴不

納從兵尚有數百人聞信茂反悉亡去家忠

信長譜甲陽軍鑑四日定山梅雪至上原謁

甲亂記松榮紀事

神祖獻刀及鷹馬遠目鞠子敵兵聞梅雪

叛委城潰走家忠日記曰田中持舟鞠子三

二城前此既降見上文今從松榮紀事曰按

武田家譜梅雪既降神祖復其旧稱曰陸

奧守信君然諸書記是日織田信長將兵七

下皆書梅雪今從之創業記信長譜作五日今

萬余騎奔安土創業記信長譜作五日今

日至濃州呂久渡信忠上高遠之捷將士十

八人首級信長大喜梟仁科信盛首於長柄

河上創業記信長譜家七日信忠進入甲州

索一條信龍清野美作朝比奈根津武田上

總等殺之家忠日記八日神祖軍興津九

日移營滿坐穴山梅雪來會為前驅入自文

珠堂市川口德川記曰神祖出自駿州至

藤蒲右衛門為鄉導入自市川口神課報

祖悅下令獨蒲右衛門徭役附以備考

日勝賴不戰而走年譜創業者忠勝賴在

鶴瀨畏無警備匿駒飼山家其夜小山田信

茂之族八左衛門奪信茂之質而去勝賴將

保天目山土人皆叛不得往匿近邑田野僕

圍皆亡土屋昌恒秋山紀伊執鞍阿部加賀

温井常陸持鎗先是勝賴迫習小宮山內膳

遇讒被黜來謂昌恒曰吾近蒙譴在外款盡

臣節則忤主公之意委湏則虧臣節願被寬

宥以死報國因問長阪釣閑何在昌恒對曰

昨自鶴瀨逸去跡部大炊如何曰亦逸矣讒

者小山田將監如何甲陽軍鑑將監作彦三

紀事曰將監與秋山攝津守亡去已經旬日內

勝流涕曰荷恩之士相踵逃去主公之命窮

矣昌恒紀伊相對悲泣勝賴忸怩謝之甲陽軍鑑

松榮  
紀事

臣按小宮山內膳之父丹後以武田世臣  
事信玄守上野松枝城頗以驍勇著名內  
膳剛直不忝爾所生數忤倭幸權貴故勝  
賴忠之及與小山田將監忿爭勝賴信讓  
逐之夫遭讒廢黜而無怨懟之色此固人  
臣之分未足掄揚而能從容處之者既鮮  
矣至於放逐在外而赴居之難慷慨激烈  
見危授命者則千百人中難得一二豈非

武田勝賴又于自注

曠世義士也哉語曰疾風知勁草世亂識  
忠臣若內膳者其可以為人臣之勸矣  
十日興國寺戍兵曾根內匠降于神祖使  
牧野康成守興國寺城松榮 紀事十一日勝賴使  
日利甚五郎大熊新右衛門先往天目山二  
人亦叛放銃矢拒勝賴信忠使瀧川一益河  
尻秀隆圍田野勝賴之兵過彌兵衛與村民  
作亂甚五郎新右衛門與彌兵衛為鄉導迎  
一益勢甚猖獗勝賴諭其妻往小田原勝賴 初娶

信長公女姪生信勝而金固請同死不聽竟  
 世再娶北條氏政之妹自殺松榮紀事曰勝頼使小原丹後乃弟下  
 又諭信勝使齎累代重器旗無盾循山而行  
 出武州以奔奥州信勝決志必死不聽既而  
 一益之兵四面競進勝頼窮蹙不知所為昌  
 恒放矢連斃數騎矢竭刀戰勝頼揮刀救昌  
 恒身被數創信勝揮槍奮戰亦被創父子自  
 殺勝頼年三十七信勝年十六昌恒僧麟岳  
 阿部加賀温升常陸小原丹後其弟下総金

九助六郎

土屋昌恒兄

小宮山内膳秋山民部巖

下総六郎多田久藏等四十一人皆戰死

年譜

創業記織田本信長記家忠日一益上首級  
 記甲陽軍鑑甲亂記松榮紀事

信忠喜賞之是日神祖入新府會于信忠

十三日信長至信州根羽信忠遣使獻勝頼

父子首信長大喜曰城介出師纔一月平定

甲信駿三州獲勝頼父子首厥功偉矣使福

富平左衛門賜荒波刀駿馬及暑衣一百領

於信忠以賞之

家忠日記信長記松榮紀事

臣按昔東野子之善御也步驟馳騁無不  
如意然馬力盡矣武田信玄擁五州之兵  
戰必克攻必取威稜懾于鄰國然民力殫  
矣人畏其威不懷其惠離叛之心隱然已  
伏於其中矣勝賴有智伯瑤之才而無魏  
侯斯之德讒殺其兄義信而奪嫡之計切  
矣以信玄之聽察溺於愛而不能辨及嗣  
立彊暴凌人驍武自矜親近諂諛之小人  
疎斥老臣宿將賄賂出行而不畏清議將

士憤悒而不恤軍政佳兵不已剛愎自用  
買勇過於冉閔拒諫甚於慕容超宗族內  
訐士民外叛二十八葉之世家一朝而蕩  
滅漸盡迹其所由信玄不仁其失人心久  
矣信勝弱齡尚義不苟免以偷生使之長  
而迄政必有可觀惜哉

十四日大給城主松平左近真乘卒子源二  
即家乘嗣家忠日記源二即時十五日信長  
八歲後為和泉守  
至飯田梶勝賴父子首數日松榮先是下曾

根某殺左馬頭信豐於信州佐久部葛山右

近氏友左衛門佐日利右衛門亦被殺武田系圖

信長獲信豐首使長谷川宗仁齎勝賴父子

信豐三首級往京師梟之命諸將分兵逮捕

黨與逍遙軒信綱小山田信茂朝比奈駿河

今福筑前長阪釣閑跡部勝資等數十人皆

被殺信長譜松榮紀事小笠原氏儀聞勝賴敗死出

奔小田原信長使北條氏政殺之氏政送其

首於濱松創業記小笠原家譜北條皆非初信是日之事據本書終言之

長以重利啗甲府將士曰送款則授駿州或

給駿州之半將士皆信之以叛反勝賴滅得

免者什二三信長譜松榮紀事

臣按信長公之餌甲府將士即武田信玄

欺駿河將校之故智而當時更事者皆所

目擊而或參預其謀者也距信玄之歿纔

十年豈皆忠之哉唯其貪祿徼利之念甚

重而憂君報國之心甚輕彼虓虎雄武之

士皆謂可以建牙豎纛安富尊榮延及子

孫而怡然不知坐於陷穽之中可哀也已  
家利靚所謂武夫健將賣降恐後何耶詩  
書之道廢人唯見利而不聞義烏者豈帝  
秦之失政幾亦可以為萬世之鑒矣  
十九日信長至上諏訪從兵十萬軍容甚盛  
二十日木曾義昌來謁信長授筑摩安曇二  
郡領木曾如故是日神祖至諏訪謁信長  
稱神祖之功曰長篠之戰甲信驍勇殆殲  
故成功甚易此卿之力也  
家忠日記信長  
譜松榮紀事

駿州諸城相繼降于神祖獨依田信蕃在  
田中城不下知終不可守致城于大久保忠  
世而去神祖使山本成行諭之降  
家忠日記成行  
作成氏永祿十一年作成行信蕃以勝賴存  
與松榮紀事合今據此訂之  
亡未審不從出奔信州及信長殺甲州將士  
將捕而殺之神祖密使人召之信蕃應命  
來謁市川之營神祖匿之二股山家獲免  
松榮紀事正文曰二月十八日神祖入駿  
州諭信蕃曰欲戰即戰欲降即降不可首鼠  
兩端自取禍敗信蕃對曰吾與大久保忠世  
有旧須使忠世來神祖遣忠世諭之信蕃

致城出奔甲州紀事一說二十一日穴山梅

與家忠日記合今從之

雪以神祖之先容上謁信長

松榮紀事。本書曰小笠原信嶺亦以神祖之先容謁信長授旧邑接信嶺降

在本文六二十三日信長割與州郡於有功

將士以瀧川一益為關東管領賜上野及信

州佐久小縣二郡曰關東八州以至與州征

伐獄訟取汝裁決如有智慮所不及須與

家一卿議任其處分賜甲州及信州諏訪郡

于河尻秀隆更科高井水内垣科四郡于森

長可伊奈郡于毛利河内守二十九日信長

授駿州於神祖如約

家忠日記信長譜松榮紀事係二十三日

今從創先是管沼滿直父子及其族新三郎

業記

叛降信玄從勝賴戰于長篠至是降信長在

河尻秀隆之營

神祖惡其叛亂告信長殺

之創業

記四月三日信長留信忠於諏訪至甲

府歷覽廢墟佐々木二郎匿甲州惠林寺信

忠使河尻秀隆索之僧徒不可密使二郎也

去信忠怒遣將佐縱火惠林寺僧徒焚灰者

八十四人 家忠日記信長譜 甲陽軍鑑甲亂記 十二日信長望

見富士山至大宮 神祖出謁之置酒歡娛

至夜而罷信長悅贈吉光短刀一文宇刀及

駿馬二於神祖凡神祖之管內驛亭橋

道修營悉備 年譜創業記信長譜 家忠日記松榮紀事 與平信昌

出迎信長之稱長篠之功褒獎之 創業記 松榮紀

事 十六日信長至天龍川 神祖使小栗仁

右衛門淺井道忠造浮梁信長賜黃金於二

人勞之是日信長至濱松城 神祖享之信

長召酒井忠次日今天下粗定此 家一卿

連年挫勝賴之功也汝輩勤勞戎馬吾甚嘉

尚又召其臣管屋九右衛門曰吾為經畧東

國儲粟二萬石於東條今勝賴既滅北條氏

政望風歸附 家一卿乎定東方又何用兵

運糧之有宜以此粟領給有功將士 神祖

起謝 創業記織田本信長記 十七日信長至

吉田酒井忠次享之信長賜黃金二百兩及

真守之佩刀於忠次二十一日信長凱旋安

土五月九日 神祖如安土以賀平定甲州

且謝得駿州穴山梅雪從為信長使高野藤

藏長阪助一山口太郎兵衛設警備修橋梁

以接待之使明智光秀設治具光秀撰假館

造厩櫪以金銀飾饗膳供張甚盛會羽柴秀

吉在備中與毛利右馬頭輝元相持 輝元右

就婿孫備中守隆元 乞援兵於信長々々使

池田信輝其子勝九郎之助 後任紀長岡與

一即忠興 越中守參議從三位為肥後熊本

城主剃髮 及光秀等救之別令人代光秀饗

神祖光秀大怒棄饗膳什器於湖水 年譜

記家忠日記信長譜松榮紀事。信長譜年

譜附尾曰先是稻葉一鐵之士那波和泉齋

藤內藏助有故去而事光秀。善遇之一

鐵怒與光秀相訟信長命光秀還和泉於一

內藏助免死事光秀如故信長怒其違法令

召光秀遣責之粹其頭殿之二三又掌專持

位信長被酒辱光秀於眾中既而命享神

祖於他人故光 十五日 神祖至安土謁信

秀銜之遂反 長館於大寶坊進黃金三千兩馬甲三百於

信長 黃金馬甲據創業記本書曰信長送還

十九日信長設雜劇於總見寺以宴神祖

二十日享神祖於高雲寺亭信長自供饗

膳至穴山梅雪及酒井忠次石川數正等手

殿原本作敘

授敕款宴畢信長執神祖手以登殿守周

覽四方歡笑夜分而罷勸神祖游于京師

及攝州大阪泉州界津使長谷川秀一導之

老人雜話曰信長使長谷川藤五郎導神

祖其實使伺閑圖之也光秀不反則神祖

幾危矣按信長公實有害心則不必二十一

相繼入京師蓋後人臆度之說也神祖

日年譜作二十二日今從創業記家神祖

忠日記信長譜德川記松榮記事

發安土信長命長澄長秀先至大阪待神

祖至饗之二十六日明智光秀發阪本

入丹波龜山城二十七日光秀至愛宕山宿

西坊詣神前探聞者再三人竊有所禱將作

連歌百韻以奉於神二十八日召騷人紹巴

等作連歌光秀語頗涉于忌諱忽復獨語曰

本能寺渠不知深淺何如又食後不脫苞如

其意有所屬者然既而歸龜山紹巴疑光秀

向在愛宕終夜不寐數有歎聲而問其故光

秀大怒而叱之二十九日信長將赴于京師  
留兵士於安土嚴為守備津田源十郎加藤  
兵庫頭野村又右衛門尉遠山新九郎世木  
孫左衛門一橋源八榑田忠兵衛等守牙城  
蒲生右兵衛大夫森次郎左衛門雲林院出  
羽守鳴海助右衛門祖父江五郎右衛門佐  
久間與六郎兼浦次郎右衛門福田參河守  
千福遠江守松本求馬丸毛兵庫頭鷄飼梶  
前波彌五郎山岡對馬守等守第二城其餘

諸士悉賜乞暇使各還采地以待大旆指中  
國來會于京師自從近習之臣僅三十騎赴  
京師假館於本能寺信忠館於妙覺寺六月  
朔光秀在龜山城密召明智左馬助濃州人  
初孫三  
宅彌辛次明智次右衛門藤田藤三郎齋藤內藏  
助利三澤庄兵衛曰卿等能為吾死乎即不

能死速斬吾左馬助曰惟君之所命即是義  
之所在也敢以死從矣光秀曰信長將殺吾  
不如及其未發先舉事內藏助以為不可左

馬助曰言已出口不可中止第當發兵入京師以舉大事而已光秀大悅乃急率兵發龜山謬曰明朝當入京師使信長公觀我軍裝軍至大江山從兵猶不知所底怪而問之光秀曰敵在本能寺於是衆始知其叛也二日黎明光秀入京師急襲本能寺作大喊放銃矢事起倉卒信長大驚問左右曰賊為誰森蘭麻呂出望軍曰光秀叛矣信長大怒罵光秀大逆於是蘭麻呂其弟力麻呂森坊麻呂

高橋虎松管屋角藏武田喜太郎及矢代在助伴太郎左衛門伴正林村田吉五郎小川愛平金森義入魚住庄七今川孫次郎狩野又九郎薄田與五郎落合小八郎伊藤彦作久之利龜麻呂山田彌太郎飯川宮松麻呂兄弟犬塚彌三郎犬塚又市郎平尾平助毛利新助毛利岩麻呂石田孫左衛門道家吉十郎道家明針阿彌中市川中森田中彦市彌六熊駒若虎若等竭力拒戰殺敵頗

多然敵兵勢益猛館中兵死傷勢稍屈小倉  
松壽麻呂湯淺甚助中尾源太郎在街市聞  
變馳來斬捕敵兵遂戰沒高橋虎松進鬪屢  
退敵亦戰死矢代庄助者陸奥之產馬藝無  
雙故信長惜其戰死而其技終不傳命使之  
逃去庄助不敢奉命力戰而死於是信長乘  
弓雨射敵死傷者頗多會弓絃絕不可射怒  
益甚乃捨弓揮槍而突出從兵繼進敵兵披  
靡然衆寡不敵從兵多死信長亦傷左肘自

東原平佐乘

知其不可免入內放火遂自殺時年四十九  
殘兵猶奮而不息極口罵光秀亦悉戰死信  
長既死光秀索其屍不得心甚不安齋藤內  
藏助得信長所著衣之焦殘示之光秀猶疑  
其脫去信忠聞變急祭妙覺寺將赴本能寺  
在途望見炎煙料信長既死謀不知所出方  
疑譏問村井春長軒來曰宜入二條館從之  
馳入館使春長軒奉親王及若官送諸禁中  
從士謀曰宜速歸安土聚兵討賊信忠曰彼

必遣兵於宇治勢多以邀我路必不得通因  
問曰出京師而歿與歿于此何可春長軒及  
毛利新左衛門福富平左衛門菅谷九右衛  
門等僉曰良如君所料與其出而暴骸於道  
路不如在此而歿也從之於是在洛軍士亦  
稍々來聚野々村三十郎赤座七郎右衛門  
團平八齋藤新五郎阪井越中守櫻木傳七  
即下方彌三郎逆川甚五郎服部小藤太服  
部六兵衛水野九藏山口半四郎塙傳三郎

川野傳四郎寺田善右衛門猪子兵助等固  
衛館日已午光秀馳兵來圍館數重兵凡一  
萬餘騎館中士僅不滿三百人放矢拒之猪  
子兵助福富平左衛門野々村三十郎挺衆  
力戰敵兵少靡然衆寡不敵殆不能支尾州  
人梶原左衛門與其子松千代麻呂寓于市  
人之家病劇不可起聞變謂家僕曰吾雖重  
病義不可不赴君難幸扶吾至御所吾將歿  
節以明君臣之義也其族梶原又右衛門曰

梶原平作象

縱我公父子遭賊而有不諱公族繁衍豈無  
一人枝義討賊乎君宜強加醫療效力於討  
賊之日也臣雖不如君當馳入御所代君以  
死矣乃馳至二條館直潰圍數重而入信忠  
聞之大感褒獎之又右衛門出而奮戰殺敵  
頗多遂戰死小澤六郎三郎寓于烏帽子町  
聞變急起主人止之不可亦馳入館謁信忠  
力鬪而死雖館中兵死傷殆盡殘兵猶能奮  
勇力戰敵兵戰疲少懈光秀麾衆急進又使

卒登隣屋放銃矢雨射館中兵困億信或曰

自癸安土至于此曰本脫簡無復副本可攻  
雖今姑據增補信長記補之凡千二百四十  
二字他日得善本  
本宜攷補之

忠力戰自殺年二十八弟源三郎勝長即御坊麻

呂實子及從兵百五十人皆戰死信長譜曰村井

甲州者春長軒福富平左衛門管原九右衛門團平  
八等四十余輩兵死蓋舉大數也今從家忠  
日記松榮紀事

臣按信長公當少年時放蕩不羈日以講  
武為業其志固不凡矣然其舉動不似人

君宗黨離叛故平手政秀以疾諫一旦幡  
然改過運籌決策常出人意表走齋藤龍  
興敵今川義元威名震乎四境雄峙尾濃  
之間方將軍義昭公之求入克修闡職誅  
鋤羣虎終能使義昭公得歸京師以繼霸  
業厥功偉矣然不假神祖之力則不能  
達進取之功故與神祖講和使捍甲府  
之勅敵絕無東顧之憂而得專用力於江  
越之敵此其本謀也既而義昭公陷於敵

曰國離間之計而反欲圖公々再舉兵放之  
河內遂得建牙京師歸令天下賞市人宗  
運之至孝嘉監川國滿之政績亦有忠于  
振顏綱而興風化矣知人善使拔秀吉公  
於行伍之中矣委以關西之任山陽之地  
殆將歸於版圖其規模亦大矣然資性褊  
狹疾惡過甚人或有過終身不能忘之必  
至屠戮而慊矣故明智光秀懼其必誅決  
意謀反變起倉猝父子殲於行營光秀弑

逆之罪固天地之所不容而公亦有以自  
取也不念旧惡然是用希難矣哉

前田玄以受信忠遺命奉其子三法師至尾

州清洲時三歲玄以歸德善院以有才幹為

公執政居五年信長公父子見親任及秀吉

也據慶長十九年大佛供糧之時僧正史海

之語真信宗僧而非台徒也三法師長而名

秀信至正三位權中納言世稱岐阜中納言

神祖在界津聞變大驚謂將佐曰吾欲入

京為信長討賊從士舉鞭將進本多忠勝諫

曰創業記曰井伊直政上諫一說本多忠勝

松榮紀事作忠勝與創業記正文合今從

之光秀擁大軍我兵軍弱勢不可離一戰見

敗則不唯取笑當時亦必貽譏後世矣不如

還國科合義旅以討賊臣此萬全之策也酒

井忠次石川數正亦贊成其謀神祖然之

乃問歸路所由長谷川秀一曰宜由伊賀伊

勢即以秀一為前驅家忠日記松榮紀事並

無鄉導不辨淺深忠次進曰倉粹間豈他

-5 260 45 955" data-label="Text">

求吾為鄉導沿河竟得一小船使神祖東

-55 260 95 955" data-label="Text">

之忠次策馬絕流從士亦皆騎而得渡勢田

-105 260 145 955" data-label="Text">

城主山岡美作守景隆其弟對馬守景佐馳

-155 260 195 955" data-label="Text">

至導之山路險惡寇賊充塞景隆兄弟擊却

-205 260 245 955" data-label="Text">

之按神祖實經伊賀路若渡宇治川則不

能經伊賀路況此川雖騎而渡不得如此容  
易且渡之則過光秀之陣前及其管內其誤  
明矣蓋自界津經大和至伊賀路之間或有  
河水忠次先導偶失其名且以勢田城主馳  
來故從人為字治川欵諸士傳畧曰城主馳  
覽界津下飯盛山將還京師遺本多忠於  
大阪路逢茶屋四郎策馬馳至謂忠勝曰不  
見洛中煙焰乎光秀募親京師焦土忠勝曰  
途而還至飯盛山下告親神祖曰焦土忠勝  
先秀定邀我歸路眾寡不足與戰不如自殺  
將挺刃忠勝諫曰死於敵其死一也  
不如還國舉兵討賊於此神祖曰善然不知  
却所由忠勝曰原所能汝須導之  
之至佗村放前抵參州汝須導之父老懼導  
歷數十村皆如此遠至木津川偶有柴舟二  
艘來忠勝呼舟子使濟之舟子不肯忠勝怒  
以鳥銃劫之遂使神祖駕之士卒皆得渡

進至多羅尾谷多羅尾某使人請享神祖  
神祖疑之忠勝曰我兵多寡主客不敵彼若  
黨光秀擊我何難其情實可知矣神祖然  
之多羅尾某大喜厚享神祖遣士卒護送  
管內遂至伊賀忠勝謂服部羊藏曰伊賀子  
之采邑子須代為先導神祖喜之進至勢  
州四日市駕舟得還參州據之則宇治川蓋  
木津川之訛然神祖貴歷竹內嶺櫻井初  
瀨高見嶺則不涉木津川而至伊賀其所先  
導一以為忠次一以為忠勝二說各異勢田  
又非伊賀諸兄弟來于大和近之從而歷伊賀  
愚蓋景隆兄弟來于大和近之從而歷伊賀  
險路者也諸說紛然無神祖欲出大和路  
所直從併存以候識者神祖欲出大和路  
遣使越知玄蕃求鄉導玄蕃遣其臣吉川某  
於大和河內之界竹內嶺以導之土寇石原

源太率兵邀之吉川某諭以玄蕃之命土寇  
引去吉川某經櫻井初瀨至高見嶺伊賀甲  
賀人出導神祖亦載神祖出大和路初  
信長侵掠伊賀土人無少長悉殺之逃遁他  
州者令所在出之敢匿者有罪神祖矜之  
不出一人報曰無之故其在參河遠江者皆  
得免親族聞之感戴其恩至是眼部別當負  
信等併力禦寇神祖遂得無恙至江州信  
樂松榮紀事但云貞信從至信樂多羅尾氏  
而不書其故今據國寄物語

世領信樂秀一與多羅尾四郎兵衛光俊有

舊故告神祖之艱楚光俊迎宿其家高力

清長護輜重賊侵掠之清長屢還鬪被創遂

攘斥之高力系圖神祖自伊賀至伊勢以

柘植三之允為先導初神祖欲與穴山梅

雪同還梅雪聞難疑懼與神祖異路狼狽

至山城草內渡為村民所殺年譜創業記家

皆云梅雪至宇治田原被殺年譜附尾云穴

山梅雪後于神祖十餘町為石原源太所  
殺越智玄蕃聞之其夜擊殺源太此又一說  
也先臣佐之宗淳曰諸書皆誤梅雪歿於草

內渡土人猶能說其事其三日神祖至勢  
墓見在草內渡今從之  
州白子角屋七郎二郎進舟神祖駕之六按  
月二日光秀弑信長公全原平山登界津聞之  
界津太京師十四里雖蚤時發界當及暮夜  
其經大和伊賀近江而至伊勢行程可四十  
里有險路內土寇豈能得三日至白子哉况  
有多羅尾光俊迎宿其家諸書或云淹留三  
日然則諸書所載日辰皆誤然今無所考訂  
姑從四日至參州大濱入永井直勝家參州  
將士歡迎賀之創業記家忠先是長谷川宗  
仁馳使備中告變於羽柴秀吉々々與毛利  
輝元請和還軍以討明智光秀大閣記五日  
秀吉譜

神祖入園寄城伊勢尾張將士遣使送款

六日賜書岡部正綱經營甲州下山城家忠日記

七日遣本多信俊名倉喜八郎於甲府告變

於河尻秀隆且使保護之家忠日記八日

神祖欲討明智光秀下令戒嚴家忠織田七日記

兵衛信澄武藏守信行子信長公姪光秀之女婿也以其

父信行為信長所殺恒有報仇之志時在大

阪城率兵將入京師戮力光秀織田三七信

孝信長公第三子與丹羽長秀攻大阪信澄敗歿秀吉

謭信孝將討光秀與長秀及池田勝入議方

畧信輝以信長公十一日羽柴秀吉至富田

謁信孝涕泣吊之家忠日記十三日秀吉與光秀

戰于山崎大破之光秀敗死秀吉磔其屍於

栗田口抵清洲謁三法師吊之織田信雄信長

公第二子小字茶菟麻呂出繼北畠源具教

卿為伊勢國司後封尾張至正二位內大臣

刺髮号常真信孝長秀勝入來會瀧川一益至自

關東柴田勝家至自越前亦會于此家忠日記秀吉

謭松榮紀事十四日神祖得兵發岡寄軍於鳴

海甲信茂將聞變不能守城森長可棄川中

島道家彥八章小諸毛利河內守章伊奈皆

走京師甲州繹騷家忠日記是日河尻秀隆

殺本多信俊秀隆勇而不仁欲以威脅制之

甲州人不服聞信長被殺誅秀隆曰家忠

卿遣本多百助殺秀隆々々信之及信俊至

設宴享之伺其乘醉而寢刺殺之十八日村

民遽起攻秀隆故山縣昌景之兵三井瀨一

郎擊秀隆殺之甲州大亂年譜創業家忠日記德川記松榮

紀事十九日羽柴秀吉遣使告討平賊臣明智

光秀於鳴海之營二十一日神祖自尾州

班師岡寄年譜家忠日記羽柴秀吉與丹羽長

秀池田勝入等議奉三法師為信長之嗣徒

居安土之城封以近江三十萬石地使長谷

川丹波守前田玄以輔佐之以其幼穉使叔

父信雄管攝分割州郡以尾張封信雄美濃

信孝丹波秀吉近江長濱柴田勝家攝津太

阪尼寄兵庫勝入之助若狹及近江高嶋志

賀二郡瀧川一益家忠日記秀吉神祖使

大湏賀康高與成瀨正一松榮紀事作一齊

也據成瀨系圖招徠流日下部定好岡部正

亡者正一也今從之綱及故穴山梅雪部曲招徠日州之士康高

在市川綏撫之又修足高山麓天神川故壘

使稻垣平右衛門長茂戍之長茂初稱藤為

子此時為石川康通之臣以本多正信為使諭依田信蕃

招諭土人信蕃建旗柘阪嶺招之橫田重量

先衆來歸相繼歸附者千餘人信蕃率之入

小諸城家忠日記甲斐信濃上野三州無守

故鄰國之諸將皆覬覦之上杉景勝將三千

余騎取河中島北條左京大夫氏直得三萬

余兵欲取甲州氏直氏政長子松榮紀事三萬余兵作五萬余騎今從德

川歷甲州人大村三右衛門其子伊賀通謀

代氏直導秩父新太郎之兵入甲州松榮紀事曰新太郎

北條氏康之子按北條家譜氏康子無秩父

新太郎而氏政第三子有稱新太郎名闕蓋

以吳領殺之刻期定約新太郎自川阪口武

就稱秩父也甲州北條左衛門大夫氏勝上繼介綱成孫

之界常陸介氏繁子

德川記德川歷代作石衛率八千餘騎自郡

門氏喜今從松榮紀事氏康第三子氏政率

內口北條安房守氏邦弟武州鉢形主

七千余騎德川歷代作三千余自惠林寺口

欲入甲州三右衛門陣碓氷川碓氷或作碓

相待新太郎至樋口某納款神祖密告其

事神祖使梅雪部曲有泉大學穗阪常陸

速赴碓氷川擊破之賊敗走新太郎聞之不

能進引兵而退二十二日神祖賜書大學

常陸褒之召樋口某列麾下三右衛門之亂

雖不日而卒寇賊蝟集余黨煽起神祖以  
大久保忠世為將與石川康通本多廣孝其  
子康重岡部正綱經畧甲州忠世至佐久郡  
與康通正綱相議使諏訪小太郎賴忠歸歛  
賴忠新二即滅郡子大草左近知久大和賴  
九字元字下文是四集  
等皆降小笠原信嶺就管沼定政乞降神  
祖許之二十四日松平與二郎忠吉卒年二  
十四其子信吉出繼松平信一故神祖以  
忠吉姪內膳正廣家為嗣家忠日記松平系圖  
事櫻井松平系圖

七月三日神祖為平定甲州將兵奔濱松  
四日至田中五日移營江尻七日陣于太宮  
九日至甲府年譜家忠日記先是武川之兵與  
成瀨正一通歛正一聞其流亡往訪之鄉閭  
無人正一題其門曰可來市川覽成瀨吉右  
衛門其夜武川隊長小倉內藏助忠繼按今川氏  
真隊將有小倉內藏助資久折井一左衛門  
見永祿十年蓋其子年未詳  
次昌來到正一使二人謁神祖忠繼次昌  
獻質歸降成瀨十四日神祖賜書酒并忠

次給信州十二郡按延喜式倭名類聚拾

松榮紀事並云十二郡家忠日記載神祖

所賜書曰信州十二郡蓋後世增置二郡也

今無所考酒并系圖曰神祖

祖賜書如此然有故不果忠次率東三河

之兵至諏訪使諏訪賴忠來屬忠次短於綏

撫人心不服賴忠憤恚曰吾屬家一卿何

受忠次之指揮卒據城堅守以拒忠次神

祖遣大久保忠世及抗井次昌權田織部泰

長於諏訪諭賴忠曰非如忠次之言當屬

神祖麾下屬攻戰之功賴忠遣其臣茅野丹

波房清澤一左衛門房重於甲府之嘗謝之

神祖賜衣物於二人懇諭之賴忠與其子

賴木家忠日記作賴永今從抵甲府謁神

祖寬永系圖松榮紀事賜古刀于賴忠曰信州將士猶有未

歸順者卿宜速歸諏訪以待後命賴忠父子

奉命歸諏訪神祖築豆州砦戶壘使牧野

康成徙自興國寺城守之久能宗能助守十

五日賜書小倉忠繼抗井次昌招諭武川之

士忠繼次昌運籌招諭柳澤兵部伊藤三右

衛門曲淵勝左衛門吉景曾根孫作曾根民  
部折井九郎三郎等二十余人皆來降神  
祖賞忠繼次昌之功賜滯頓之士食邑如故  
北條氏直雖招武州之士不從間有據小沼  
堡屬氏直者滯頓之兵擊破之二十二日酒  
井忠次率東參河之兵及小笠原信嶺等攻  
諏訪郡高島城家忠日記二十四日夜城兵  
襲松平又七郎家信之營家信紀伊守家  
忠子時年十三家  
信雖年幼家臣多長武事者日夜嚴備隊伍

不亂故能拒之敵兵不利而退二十六日松  
平主殿助家忠設伏擊破城兵神祖褒其  
功是日賜依田信蕃信州諏訪佐久二郡獎  
屬之年譜創業記家忠日記松榮紀事按上  
文給酒井忠次信州十二郡然有故不  
果故賜二八月北條氏直將兵四萬余騎踰  
郡于信蕃  
碓冰嶺入佐久郡聞上杉景勝與神祖講  
和使真田昌幸還吾妻城以備越後之兵武  
田  
勝賴滅後上野諸將多酒井忠次聞氏直出  
屬北條氏政昌幸亦然  
兵解高島之圍至白湏神祖在甲州授伏

草左近知久賴元及其子式部少輔賴氏下  
條某舊邑赴信州伊奈使柴田康忠守佐久  
郡三日酒井忠次大須賀康高大久保忠世  
本多廣高及其子康重石川康通岡部正綱  
率三千余騎癸白須屯音骨或作乙乞 六日  
氏直進至梶原與我兵相距纔一里山嶽高  
峙互不相知忠世之兵石上菟角在蘆田堡  
聞之冒險來告忠世遣土人探其實果然諸  
將慮兵寡難敵議欲班師初忠世諭諏訪賴

忠來屬忠次激之使叛故忠世銜之至是忠  
次忠世爭殿忿言移時氏直之兵來進諸將  
和解之先使忠次燒營退軍康高相從次康  
通次忠世次廣孝次故穴山梅雪部曲次正  
綱為殿松榮紀事曰第一忠次第二康高第  
三康通第四忠世第五廣孝第六正  
綱今從家各正其列隊伍整肅小田原之兵  
循山尾擊六將或還鬪或引去行程七里凡  
十余戰正綱奮勇數擊敵却之 神祖在故  
府聞之馳至新府使石川數正救之氏直見

援軍衆多不敢進屯若御子我軍三千不損

一人皆還新府俗謂之縹引年譜創業記家忠日記松榮紀

事是日曲淵吉景出覘敵軍與山一鄉右衛

門交語相關神祖賜書褒之家忠日記七

日氏直進逼新府我軍隔水陣中山相距十

餘町平巖親吉伏兵山下殺敵七人年譜創業記家

忠日記松榮筒井內藏忠次戰歿天野重次追

藤秀用有戰功松榮氏直將攻新府神祖

陣淺生原分兵為三隊以待之使忠次忠世

康高康通廣孝正綱及梅雪部曲伏兵各所

氏直遣候騎覘之歸言戰必不利氏直決意

欲戰將佐畏懦不能進氏直不得已相持數

日十日神祖移陣于新府使鳥居元忠松

平清宗水野勝成三宅康貞成故府修繕新

府城以備若御子松平源七郎康直遣弟孫

三郎康直上野介康忠子世稱長澤家後襲

三郎稱上野介按松平系圖康直弟無稱孫

直之三弟其一有初稱孫三郎者乎未詳  
大久保忠世遣弟忠教以戌之北條氏政在

小田原議軍事欲益兵甲州與氏直之軍夾擊神祖以弟左衛門佐氏忠為將其弟右衛門佐氏光及其族氏勝為副率一萬余騎入郡內十二日氏忠出三阪城至黑駒氏直謀曰濱松之兵戍善光寺及故府者料必不多使氏忠襲二壘放火急攻二壘之兵必走新府之兵聞之亦當自濱乘勢急擊則家  
卿不得守新府當由下山避入駿州追擊必得大勝乃與氏忠定約氏忠陣上口山待

其報有人密告其計於故府元忠勝成率兵急發故府康貞清宗亦出兵攻上口山氏忠不意大兵猝至與本謀違欲引兵退我軍急攻之氏忠敗走黑駒氏勝還軍來戰勝成之兵大田仁藏先登獲首級高力正長斬敵兵平原彌二郎清宗揮槍力戰元忠勝成康貞之兵悉力拒之氏勝敗走  
年譜創業記  
神祖在新府望見煙塵起曰我兵勝矣果然  
家忠日記  
神  
創業記  
四將追擊斬首三百余級上新府  
創業記  
河物

語德川記曰五百余級今從  
年譜家忠日記松榮紀事  
神祖襲之

新府郊外氏直之兵不知戰敗來視所襲首

則或其子弟伯叔或其親族皆悲泣無鬪志

氏直愈畏縮不敢出兵  
年譜創業記家忠日記○松榮紀事曰氏

忠踰三阪至東郡縱火燒民舍掠資財元忠

清宗勝成康負率二千余騎奔故府急攻氏

忠內藤信成先登部曲獲首三十余級敵兵

離散四方剽掠故不得拒戰而潰走我軍追

擊敵兵或陷崖谷而歿或逸遁山林氏忠單

騎入黑駒元忠勝成康負清宗斬首三百余

級獻之三河物語各與二十日  
神祖奔新

府至故府賞諸將之功賜鳥居元忠郡內  
年譜

忠日記  
氏直築砦豆生田置兵戍之二十

九日我兵出于豆生田暮秋稼敵兵急擊之

殆危久世三四即廣宣  
辛四郎挺身搏戰

神祖見其危親將兵救之大湏賀康高  
松榮紀事

作大久保五郎左衛門益大  
柳原康政酒井

湏賀之誤今從德川歷代  
忠次大久保忠世石川康通本多廣孝岡部

正綱為前鋒敵見大軍至將退久世廣宣進

關與野中六右衛門接槍被數創遂入柵內

獲其首諸將力戰破砦大久保忠佐駒廣宣

謁見管中 神祖褒三戰功親賜藥傳創稱

父祖之武功慰勞 業記並云二十九年譜創

兵破豆生田 今字下八字 從紀事曰從二書○家

者現敵所在大湏賀原高之兵有長于乍候

者諸謀從之而行審知敵在豆生田若歸告

之諸將發兵襲若康高康政為先鋒奮擊北

破若多獲首級與松榮紀事異附北備放北

條氏直雖招武川之士以屬 神祖不從氏

直再以書誘致之中澤維殿右衛門中澤新

兵衛殺其使奪其書獻之 神祖褒之 家忠

依田信蕃使其族次右衛門說真田昌幸降 日記

于 神祖昌幸從之請賜印章 神祖許之

松榮 紀事 九月朔北條氏直候騎來窺我營酒井

忠次擊却之 年譜創業記 高遠城主保科正

直 前此不見正直為高遠城主 就酒井忠次

乞降伊奈郡主藤澤二郎猶親 松榮紀事作

忠日據箕輪鄉而叛正直攻之相戰三日遂

拔其城 創業託家忠日 神祖使松平康親

小笠原安藝守信元及其族丹波守安次山

田市藏時忠成豆駿二州之界三枚橋城二 三枚下五文作三枚其字樣整

十五日小田原之兵出三島攻之安次將忠  
戰歿余兵堅守神祖賞之加賜食邑一千  
石於信元及安次子新九郎廣勝並山敵兵  
亦屢窺三牧橋城康親善守之敵不得近轉  
而攻沼津城之主本多重次擊走之獲首三  
十余級年譜創業記有日無其事十月神  
今據家忠日記松榮紀事  
祖使依田信蕃真田昌幸屯碓冰嶺以絕小  
田原糧道年譜創業記家忠十六日松平紀  
日記松榮紀事  
伊守家忠卒子家信嗣諸士二十四日賞保

科正直之功賜伊奈郡之半家忠日記使高

戰記卷之

木廣正召高木善一郎清秀仕麾下清秀六郎左衛

門戰光子後清秀有武幹初屬織田信秀中

稱主水正稱主水正屬水野信元遭害屬佐久間信盛至是謁

神祖賜食邑一千石家忠日記武川之士山

高宮內柳澤兵部等與敵戰于花水阪得首

級獻之新府神祖褒之各賜舊邑家忠北

條氏直久在若御子與神祖相持每戰不

利真田昌幸塞碓冰嶺糧道不通軍日匱乏

二十九日使叔父美濃守氏規請和親曰甲  
信二國一卿全領之上野自領之以上  
野沼田易甲州都留郡及信州佐久郡神  
祖許之氏直恐我兵躡後乞交質以其臣大  
道寺孫九郎直政山角某為質神祖以酒  
井小五郎家次為質家次忠次長子歷官時  
內大輔任左衛門尉  
氏直請婚神祖約以第二女嫁之故不及  
交質互還之氏直引兵還小田原年譜創業  
記家忠日  
記德川記諸將率兵攻筑摩河上巖村田城  
松榮絕事

城兵堅守不下諸將引去城兵出躡之依  
田信蕃為殿奮擊大破之斬首三百餘級殘  
兵敗死神祖賜書信蕃其弟新九郎源八  
郎及從兵依田豐後依田右近依田主膳與  
平金彌等褒之創業記家忠日十一月神  
祖欲信州平定命諸將修上口山砦五日松  
平家忠向善光寺七日築勝山砦使柴田康  
忠管沼大膳會于依田信蕃大膳未知為誰  
蓋小大膳定利  
否則其攻伴野刑部少輔所據前山城河窪  
父也

與左衛門信俊按武田家譜信俊初稱新十

平神祖使篠瀨某竟信實子信俊時三枝

十九歲來謁以鎮甲州河窪更河窪氏家忠日記曰

平右衛門等奮勇爭進城遂陷刑部少輔小

荳原之族而世長于信蕃康忠攻高棚小田

弓馬之業至是廢弛松榮記事

井二城拔之信濃人平原善正正作心

尾平藏大井民部少輔小山田六左衛門森

山豐後志賀與三左衛門栢木六郎望月印

月齋等皆降十二月十一日神祖在甲府

以甲信二州粗定給休暇于諸將各歸采邑

松榮記事係十一月而柴田勝家遣使修好

不日今從家忠日記年譜家忠日

以賀平定甲斐記松榮記事十二日神祖

召甲信二州之士論戰功隨其大小全給舊

邑或減損之平原宮內當賜全邑有人許新

氷川之戰宮內黨于大村三右衛門田野村

民證之故神祖兩召之親鞠問之皆撤佩

乃宮內不服將出事未決神祖留之宮內

素懷反謀疑被殺奪與山新八郎童奴所持

乃互殺童奴揮刀而入事起倉猝左右莫敢

支吾甲州歸降之士過彌兵衛空手欲捕之  
宮內斫其額血流被面兩目昏眊而退宮內  
乘勢直進欲追神祖土屋權右衛門闔兩  
戶戶外又設闕排戶以小幡又兵衛昌忠山城  
戶蔽風雨俗謂之雨戶後守昌盛子時十六歲拔短刀與宮內鬪傷  
左手永見新右衛門取槍以擬之宮內急進  
欲擊之新右衛門不遑正槍以鏃突倒宮內  
昌忠進擊殺之神祖賞其功責彌兵衛曰  
汝志雖壯張空手以犯白刃甚無謂也遂逐

之家忠日記  
松榮紀事是月神祖會甲信二州歸降

之士於遠州秋葉寺上赤魚貳之誓書成

瀨成一日下部定好監之總七百七十五人

家忠日記松榮紀事人別列  
姓名今從簡約舉其大數分山縣昌景土

屋昌恒原胤長一條義龍之部曲及關東僑

人一百十七人屬并伊直政并四隊之兵食

邑四萬石以為一隊兵器皆用赤色世謂之

赤備直政雖年少有將帥之器故寵任之家

日記松榮紀事據甲陽軍鑑武田信玄之  
將小幡上總介信直飯富兵部二部皆用赤

色甲州人謂之赤備直政二十一日祓祚

部下多甲州人故摸之也

凱旋濱松系譜創業記家忠以成瀨正一日

下部定好為奉行平巖親吉為郡代掌甲州

政令使歸降之士櫻井某市川伊清齋二藤

源隨齋巖間大藏左衛門採訪風聞以達濱

松家忠日記鳥居元忠留守甲府創業甲信

二州有殘黨未服者使大久保忠世柴田康

忠管沼大膳留在甲府小濱民部左衛門景

隆間官造酒丞為副以討平之家忠日記武

川之士風間某聚二百余人作亂御手洗五

郎兵衛直重擊破之斬風間某獻其首神

祖賞之賜食邑松榮紀事是歲松平福松麻呂忠

吉自東條城移封駿州沼津城食四萬石源

貫綜

烈祖成績卷之四終

